

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiitaliani siulittaasut nalunaarutaat.

**Aningaasaqarnermut tunngasut**

- Imm. 04** 2014-imi aningaasanut inatsisissamut sanaartugassatut kissaatigisat qinnutiginnissaaat.

**Suliassat nalinginnaasut**

- Imm. 05** 2012-imiit 2024-imut Qeqqata Kommuniani pilersaarusiciumut nr. 1-p tapiliussassap inaarutaasup akuersissutiginnissaa.
- Imm. 06** Kommunimi pilersaarummut tapiliussassatut siunnersuut nr. 2 – Sisimiuni illoqarfitoqaq.
- Imm. 07** Kommunimi pilersaarummut tapiliussassatut siunnersuut nr. 3.

**Paasissutissiissutit**

- Imm. 08** Ilinniarnermik unitsitsiinnartarnerit pinaveersaartinniarneri pillugit Qeqqata Kommuniani siunissami ineriartortitsinissamut suliniutinik paasissutissiineq.
- Imm. 09** 2013-mi Kangerlussuup avannaani ukiuunerani umimmaat pisassiissutit agguanneqarnerat piniarneqarnerallu pillugit paasissutissiissut.
- Imm. 10** Ukiumi pisassiiffiusumi 2013-imi qilalukkanik qaortanik qernertanillu pisassiissutit agguannissaat pillugu paasissutissiissut.
- Imm. 11** Nunaqarfinni ataqatigiissaarisup suliassaasa inissisimaneratalu allanngortinnera pillugu paasissutissiissut.
- Imm. 12** Tamalaat.

Ataatsimiinneq videokonferenci atorlugu ingerlanneqarpoq aallartillunilu nal. 8:30

*Peqataasut:*

***Atassut***

Kristian Kreutzmann, Sisimiut, Godmand Rasmussen taarserlugu  
Bitten Heilmann, Maniitsoq

***Inuit Ataqtiguit***

Regine Petrussen, Sisimiut, Olga Berthelsen Ljungdahl taarserlugu  
Katrine Larsen Lennert, Sisimiut  
Beathe Poulsen, Atammik

***Siumut***

Hermann Berthelsen, Sisimiut  
Jonas Poulsen, Maniitsoq, Karl Lyberth taarserlugu  
Evelyn Frederiksen, Sisimiut  
Alfred Olsen, Sisimiut  
Efraim Olsen, Kangaamiut  
Hans Frederik Olsen, Sisimiut  
Morten Siegstad, Maniitsoq  
Søren Alaufesen, Sisimiut

*Nalunaaruteqarlutik peqataanngitsut:*

Godmand Rasmussen (A)  
Anda Berthelsen (IA), taarteqanngilaq  
Ane Marie Schmidt Hansen (IA), taarteqanngilaq  
Olga Berthelsen Ljungdahl (IA)  
Karl Lyberth (S)

*Nalunaaruteqaratik peqataanngitsut*

**Imm. 01 Oqaluuserisassat akuersissutigineri**

**Aalajangiineq**

Oqaluuserisassat akuersissutigineqarput.

**Imm. 02 Borgmesterip nalunaarutaa**

**Aalajangiineq**

Borgmesterip nalunaarutaa oqaaserineqartut ilanngullugit paasissutissatut tiguneqarpoq.

**Imm. 03 Ataatsimiititaliani siulittaasut nalunaarutaat**

**Aalajangiineq**

Ataatsimiititaliani siulittaasut nalunaarutaat oqaaserineqartut ilanngullugit paasissutissatut tiguneqarput.

**Imm. 04 2014-imi aningaasanut inatsisissamut sanaartugassatut kissaatigisat  
qinnutiginnissaat**

*Journalnr. 06.01.03*

Tunuliaqutaq

Namminersorlutik Oqartussat januaarip 25-ani 2013-mi allakkatigut, Qeqqata Kommuniata 2014-imi Aningaasaqarnermut inatsisikkut kissaatai ujarlorpai. Qeqqata Kommunian kingusinnerpaamik marsip 1-ani 2013-mi ataatsimoortumik tullerriaakkamillu Qeqqata Kommuniani sanaartugassatigut kissaatigisaminik Namminersorlutik Oqartussanut nassiussissaaq.

Maleruagassatigut tunngavissaq

Aningaasanut inatsit Namminersorlutik Oqartussat kisimik susassa qarfigivaat, taamaattorli kommunit tamatumani sanaartortinniakkatigut kissaatigisatigut tullerriaakkat tusartissallugit periarfissaqartitaapput.

Pissutsit atuuttut

Namminersorlutik Oqartussat kingumut ukioq manna maluginiaqqaat, tullerriaarinermi ilinniartunut inissiat, illuliortiterneq pilersuinerlu salliutikkamikkit. Tamatuma kingunerissavaa, kissaatit allat taamaallaat killilimmik aningaasaliiffigineqarnissaat.

Missingersuutissatut akuerisat, politikikkut kissaatigisat saqqummiunneqartut, ukiumilu kingullermi siusinnerusukkut Qeqqata Kommuniata sanaartugassatigut kissaatigisaminik tullerriaarineri tunuliaqutaralugit matuma kingulianiittut Qeqqata Kommuniani missingersuusiortifiusumi 2014-imi ukiunullu missiliuuteqarfiusunut tullerriaakkatut siunnersuutit pisortaqtigiit suliarivaat.

Tus. Kr.	Illoqarnikkut/ inissaqarnikkut ineriartortitsinissami pilersaarutit	2013 Katinneri		2014		2015		2016		2017	
		Komm	GS	Komm	GS	Komm	GS	Komm	GS	Komm	GS
Tuller.	Pilersaarutip suussusaa										
1	Sisimiuni Maniitsumilu innarluutlinnut inissiat 16-it			10.000	9.000	10.000	9.000				
2	Sisimiuni Maniitsumilu utoqqarnut pisinnaanerusunut inissiat 12-it			7.500	6.750	7.500	6.750				
3	Kangerlussuarmi Kangaamiunilu ilaqutariinnut illut marluk			1.200	1.000	2.575	2.075				
4	Sisimiuni Maniitsumi illunik nutarterineq taartissatullu illussat				30.000	30.000		30.000		30.000	
5	Sisimiuni illussat			xx	xx	xx	xx	xx	xx	xx	xx
6	20-20-60 aqutugalugu piginneqatigiilluni inissiat			15.000	15.000	15.000	15.000	15.000	15.000	15.000	15.000
7	Kangerlussuarmi, Kangaamiuni Atammimmi kommunip katitigassatut illuliassai			3.000	1.500	3.000	1.500				

Tus. Kr.	Teknikkikkut ineriartortitsinissami pilersaarutit	2013 Katinneri		2014		2015		2016		2017	
		Komm	GS	Komm	GS	Komm	GS	Komm	GS	Komm	GS
Tuller.	Pilersaarutip suussusaa										
1	Sisimiuni umiarsualivimmik allilerinissaq	30.000			18.000						
2	Takornarissat paarlaannerini umiarsualivik Kangerlussuarmi				20.000						
3	Maniitsumi umiarsualivimmik iluarsaassineq				??		??				
4	A3 Imeqarfik imt. allatut aaqqiissut Sisimiuni imeqarfimmi unamminartunut				??						
5	Sisimiut Kangerlussuullu akornatigut agqusinissaq			30.000		20.000	30.000	20.000	30.000	20.000	30.000
6	Maniitsumi illoqarfiup nutaartassaanut sullorsuassaq				40.000		40.000				



**Kommunalbestyrelsip februaarip 28-ani 2013-imi ileqquusumik ataatsimiinnerata 01/2013-ip  
imaqarnilornera**

7	Sisimiuni ungasiaaniit kias- saatiliinissaq			2.500	2.500	3.000	3.000				
8	Kangerlussuarmi ikuallaavissaq, naapertuuttunngorsaaneq						25.000				
9	Sisimiuni ikuallaaviup pisinnaasaa- nik annertusisaaneq							10.000	10.000	25.000	25.000

Tus. Kr.	Ilaqutariinnermut tunnga- sutigut sanaartugassat	2013 Katillugit		2014		2015		2016		2017	
Tuller.	Pilersaarutip suussusaa	Komm	GS	Komm	GS	Komm	GS	Komm	GS	Komm	GS
1	Sisimiuni Maniitsumilu innarluutilit ornittagassaat			5.000	5.000	5.000	5.000				
2	Kangaamiuni ulluunerani ornittagassaq			3.500	3.500						
3	Sisimiuni ulluunerani ornittagassaq							3.750	3.750	3.750	3.750
4	Maniitsumi ulluunerani ornittagas- saq							3.750	3.750	3.750	3.750

Tus. Kr.	Ilinniartitaanikkut, kulturikkut sunngiffimmilu susassaqarti- taanikkut pilersaarutit	2013 katinneri		2014		2015		2016		2017	
Tuller.	Pilersaarutip suussusaa	Komm	GS	Komm	GS	Komm	GS	Komm	GS	Komm	GS
1	Maniitsumi nunaqarfiinilu atuariit iluarsartuunnissaat				??		??		??		??
2	Maniitsumi atuartunut inissiap iluarsartuunnissaa				6.200						
3	Nunaqarfinni timersortarfeeqqat			3.000	3.000	3.000	3.000	3.000	3.000	3.000	3.000
4	Maniitsumi inuusuttut ornittagassaat			4.000	4.000						
5	Maniitsumi Sisimiunilu arsartarfiit ivigaarallit				??	??					
6	Sisimiuni atuakkanik atorniartar- fissaq nutaaq			3.400	3.400						

Tus. Kr.	Sanaartorfigissaanissamut pilersaarut innaallagialaq, imeq, kiassarneq	2013 katinneri		2014		2015		2016		2017	
Tuller.	Pilersaarutip suussusaa	Komm	GS	Komm	GS	Komm	GS	Komm	GS	Komm	GS
1	Aqquserngup qullisa 900m-isut takitigisup iluarsartuunneqarnerat. Mayers Ave. Anstalt aamma illut 40-t, Kangerlussuaq				600		600				
2	Akiani III-mi kiisalu C14+A26-imi ulloq unnuarlu inissiisarfilinissamut pingaarnertut sanaartorfigissaaneq				3.330		2.200		1.000		
3	Maniitsumi B12-mi inuutissarsiorfis- sami innaallagissamut aqqusinnii- neq				1.500						
4	A51-mi sanaartorfigissaaneq Paaraarsummi utoqqarnut inissiat						2.000		3.000		
5	Ilinniartunut inissiat kitaatungaanni sanaartorfigissaaneq, Komm.piler- saarummut tapiliussaq 46						3.000				
6	Maniitsumi E1-imi najugaqarfissia- nut erngup aqqutaa 210m.						1.000				

Najugaqarfissiat eqqarsaatigalugit najugaqarfinit tamanut iluaqutissanit utoqqarnut innarluutilinnullu inissiassat salliutinneqarput. Najugaqarfimmi tamanut iluaqutissammi nutarterneqartussaapput, Namminersorlutik Oqartussallu taartissatut najugaqarfiliassai, najugaqarfissanit kommunimit taperneqartussanit salliutinneqarlutik.

Teknikkimut avatangiisinullu tunngasuni umiarsualivinni pissutsit ukiumut kingullermut sanilliullugit salliutinniarnaqarput.



Ilaqtariinnermut sanaarugassatut pilersaarutinit innarluutilinnut tunngasut meeqqerivinnut sanilliullugit salliutinneqarput.

Ilinniartitaanermut, kulturimut, sunngiffimmullu tunngasuni ilinniartitaaneq salliutinneqarpoq, taamatullu Maniitsumi atuartunut inissiat iluarsartuunneri allilerinerlu.

Sanaartorfigissaanermut atatillugu Sisimiuni Akia Paaraarsullu taamatullu Maniitsumi B12 ikkunneqarlutik.

#### Aningaasaqarnikkut allaffissornikkullu kingunerisinnaasai

Aningaasaqarnikkut allaffissornikkullu kingunerisinaasat eqqarsaatigalugit, sanaartugassatigut suti-  
gut Namminersorlutik Oqartussat aningaasaleeqataanissaat apeqquataajumaarpoq.

#### Allaffeqarfiup naliliinera

Namminersorlutik Oqartussat sanaartugassatigut namminneq qanoq aningaasaliissuteqarnis-  
saminnik aningaasaleeqataassuteqarnissaminnilluunniit pilersaaruteqarnerat aningaasatigut anner-  
tuumik kinguneqartussaammat allaffeqarfik naliliivoq, tullerriiarinikkut nalunaarusiami salliutitas-  
satut pilersaarutit sukumiisumik paasissutissartalerlugit allaaseralugillu suliarineqartariaqartut.

Tamatuma saniatigut kommunip Namminersorlutik Oqartussanut tullerriiarinerani Namminer-  
sorlutik Oqartussat tullerriiarinerat sapinngisamik isiginiartariaqarpoq.

#### Allaffeqarfiup innersuussutaa

Pisortaqatigiit innersuussutigissavaat, sanaartugassatut kissaatinik tullerriiarinerit  
kommunalbestyrelsimut akuereqqullugit aningaasaqarnermut ataatsimiititaliap  
innersuussutigissagai.

#### Aningaasaqarnermut ataatsimiititaliap suliamik suliarinninnera

Aningaasaqarnermut ataatsimiititaliap februaarip 12-ani 2013-imi ataatsimiinnermini allaffeqarfiup  
innersuussutaa akuersissutigivaa.

#### **Innersuussut**

Aningaasaqarnermut ataatsimiititaliap innersuussutigivaa, sanaartugassatut kissaatinik  
tullerriiarinerit kommunalbestyrelsip akuersissutigissagai.

#### **Aalajangiineq**

Innersuussutigineqartoq akuersissutigineqarpoq.

#### **Ilanngussat**

Ilanngusaqanngilaq

**Imm. 05 2012-imiit 2024-imut Qeqqata Kommuniani pilersaarusiarmut nr. 1-p  
tapiliussassap inaarutaasup akuersissutiginnissaa**

*Journalnr. 16.03.01*

Tunuliaqutaq

Illoqarfimmi susassaarfimmut allanut umimmaateqarfissamullu qanittumi inissitamik inuusuttunut ornittagaliornissamut periarfissiiniarluni kommunimi pilersaarummut tapiliussassaq suliaavoq.

Maleruagassatigut tunngavissaq

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq.

Pissutsit atuuttut

Pilersaarutissatut siunnersuut sapaatip akunnerini arfineq-pingasuni tamanut tusarniutaanikuuvoq, tulliuuttuniillu oqaaseqaatit tiguneqarnikuullutik:

- Ineqarnermut, Attaveqarnermut Angallanermullu Naalakkersuisoqarfik.
  - Oqaasertaanut aqqiissutissatut siunnersuuteqaaluppoq, tamakkiisumik ilaannakortumilluunniit kommunimi inaarutaasumik pilersaarusiassamut iluarsisutaasussat. Iluarsisutit erseq-qissaataanerupput.
- Mittarfeqarfiit
  - Mittarfeqarfimmut sumiiffiup siumut akornuteqanngitsumik isikkiveqarnissaanik piumasaqaateqarfiusunut ilaavoq. Kommunimi pilersaarusiassamut erseqqissaat ilanngunneqassaaq, pilersaarusiarmullu piusumut allannguutaasussaanani.
  - Sisorarluni eqqaasartarfissamut oqaaseqaatinut atatillugu oqaatigineqassaaq, Kalaallit Nunaanni eqqaasartarfissat politiinit akuerineqartartussaammata, tassaangaaniillu akuersissuteqartoqartinnagu eqqaasartarfissaq atulerneqarnaviarani.
- BJ- entreprise
  - Inuusuttunut ornittagaliornissami unaminartorpaloqarnissaa BJ entreprise-p arlalitsigut uparuaateqarfivaa.
    - Aalajangersakkat BJ-ip oqaaseqaataanut attuumassutillit, iluarsiiqqineqassapput/ersaris-saaffigineqassapput, siunnersuut naapertorlugi sanaartortoqarsinnaaqullugu. Taamaattorli attaveqaatissat matoorussaassallutik.
- Lena Redder Wilken aamma Torben Jürgensen-ikkut uparuaatigivaat, sumiiffik naasoqarfiummat immikkuullarissunik.
  - Taamaattumillu siunnersuutigineqarluni, pilersaarusiarmi sumiiffimmi annertunngikkaluamik sanaartorfiusussaannngitsumik immikkoortitsisoqassasoq.

Inuutissarsiornikkut Suliffissaqartitsiniarnikkullu Naalakkersuisoqarfimmiit kiisalu Nunamut namminermt, Avatangiisinut Pinngortitamullu Naalakkersuisoqarfimmiit oqaatigineqarpoq, pilersaarusiarmut oqaaseqaatissaqaratik.

Aningaasaqarnikkut allaffissornikkullu kingunerisinnaasai

Pilersaarusiarmut immi aningaasaqarnikkut kinguneqartussaannngilaq, sanaartugassalli assigiinngitsut eqqarsaatigalugit sanaartorfissaanerit il.il. ingerlanneqartartussaallutik.



Atuilluartuunissakkut kingunerisinnaasai

Kommunimi pilersaarusiarnut tapiliussassaq atuilluartuunissamik isuma aallaavigalugu inuusuttunut kulturikkut, peqataarusussutsikkut nammineersinnaassutsikkullu isummat sunngiffimmi sammisassanik aallaaveqarnissaannik toqqammaviliisussaassaaq.

Tamakku saniatigut kommunimi pilersaarutip innuttaasunut tamatigoortumik sunngiffimmi sammisassaqtitsivissatigut periarfissiisussaassaaq. Taamatuttaarlu aamma takornariaqarnikkut inuutissar-siutitigut sammisassaqtitsisinnaaneri atuilluartuuffiusinnaaneri ineriartortinneqarsinnaassallutik.

Tamatumuunattaq aamma sisorartartut illuutaata eqqaani qaqqap iluani naluttarfiliorfissamut nunaminertamik atugassiiffiussalluni.

Qullersaqarfiup oqaaseqaataa

Immikkut oqaaseqaatissaqanngilaq.

Allaffeqarfiup naliliinera

Allaffeqarfik naliliivoq, illoqarfimmi soqutiginarfik sammisassaqtitsinikkut ineriartortitsinissaq pilersaarutikkut periarfissineqassasoq, illoqarfimmi innuttaasunut illoqarfimmilu piffissami sivikinnerusumi sivisunerusumiluunniit ilinniagalippassuarnut iluaqutaasussamik.

Allaffeqarfiup innersuussutaa

Allaffeqarfiup innersuussutigissavaa, kommunimi pilersaarummut tapiliussassamut normu 1-imut iluarsuussutaassasut, inaarutaasumillu aningaasaarnermut ataatsimiititaliamit kommunalbestyrelsimillu akuerineqariarnut tamanut saqqummiunneqarluni.

Aningaasaqarnermut ataatsimiititaliap suliamik suliarinninnera

Aningaasaqarnermut ataatsimiititaliap februaarip 12-ani 2013-imi ataatsimiinnermini allaffeqarfiup innersuussutaa akuersissutigivaa.

**Innersuussut**

Aningaasaqarnermut ataatsimiititaliap innersuussutigissavaa, kommunimi pilersaarummut tapiliussassamut normu 1-imut iluarsuussutaassasut, inaarutaasumillu kommunalbestyrelsimit akuerineqariarnut tamanut saqqummiunneqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussat**

1. 2012-imiit 2024-imut Qeqqata Kommuniani pilersaarusiarnut nr. 1-p tapiliussassaq.
2. Ineqarnermut, Attaveqarnermut Angallanermullu Naalakkersuisoqarfimmiit uparuaatit oqaaseqaatillu.
3. Mittarfeqarfinniit uparuaatit oqaaseqaatillu.
4. B. J. Entreprise-miit uparuaatit oqaaseqaatillu.



**Imm. 06 Kommunimi pilersaarummut tapiliussassatut siunnersuut nr. 2 – Sisimiuni  
illoqarfitoqaq**

*Journalnr. 16.03.01*

Tunuliaqutaq

Kommunimi pilersaarummut tapiliussassaq manna tulliuuttut periarfissaqalersinniarlugit suliaavoq:

- sumiiffimmi sorlertigut najugaqarfiliortoqassanersoq (A), ataatsimoorussanik siunertanut (C) kiisalu sanaartorfissaanngitsoq (D) ersarissaatiginarlugit.
- sumiiffimmi killiliussat allanngortinniarlugit, taamaalilluni B-462-imi oqaluffimmi pisartunut tunngatillugu pisiniarfeqalersinnaalerlugu, kiisalu B-463-imi B-19-imilu takornariaqarnermut tunngasutigut katersugaasivimmi pisiniarfeqalersinnaalerlugu.
- Illoqarfitoqqami najugaqarfinni aamma qalipaataq qaqortoq toqqagassatut periarfissanngorlugu.

Maleruagassatigut tungavissat

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.

Aningaasaqarnermut pisortaqaarfiup Illoqarfik pillugu Allakkaa Sungaartoq, Nuna tamakkerlugu pilersaarusiornermi malittarisassiatut isikkulik.

Pissutsit atuuttut

Kommunimi pilersaarusiame illoqarfitoqqap qanoq atorneqarnissaa aalajangersaaffiuvoq, tassa immikkoortunut arfinilinnut sukumiinerusumik A60/A60.1, A61/A61.1, C1/C1.1, C25/C25.1, D16/D16.1 aamma D17/D17.1-tigut pilersaarusiugaalluni. Kommunimi pilersaarusiakkut qulakkeerniugaalluni, sumiiffiup kulturikkut, oqaluttuarisaanikkut avatangiisimigullu immikkuullarissutaasa piu-tiinnarnissaat.

Pilersaarutikkut killiliussatoqqat allanngortinniarnearput, taamaalilluni B-462-imi oqaluffimmi pisartunut atasutigut pisiniarfeqalersinnaaqullugu, kiisalu sukumiisumik pilersaarusiorniusuni C1/C1.1-imi takornariaqarnermut tunngasutigut katersugaasivimmi pisiniarfeqalersinnaaqullu.

Qalipaataq qaqortoq illoqarfitoqqami sukumiisumik pilersaarusiornifinni A60/A60.1 og A61/A61.1 najugaqarfinni ilanngunneqassasoq.

Sukumiisumik pilersaarusiornifimmi C25/C25.1-imi aalajangesagaavoq, sumiiffik sanimut tamakkiisumik sanaartorfioersooq, taamaattorli qummut quleriit marlungorlugit allileriffiusinnaasoq.

Illoqarfitoqqami biilinit uninngaartarfitsigut aqquuserngillu sannaasigut piumasaqaatit kommunimi nalinginnaasumik piumasaqaatinut sanilliullugit oqinnerusunngugaapput, sanaartugassat naammattumik sanaartugaareermata inissaarullunilu. Taamaammat piumasaqaatit ingerlatiinnarnissaat pisa-riarunnikuulluni.

Illoqarfiup sinnerani piumasaqaatit nalinginnaasut, atuussinnaassusii aallaavigalugit ilanngunneqarput, soorlu toqqaviit portussusissaanut il.il. tunngasut.

Atuilluatuunissakkut kingunerisinnaasai

Immikkut atuilluatuunissakkut imaaliillaannaq kingunissaqarpassinngilaq.



Aningaasaqarnikkut allaffissornikkullu kingunerisinnaasai

Kommunimi pilersaarusiaq immi aningaasaqarnikkut kinguneqassanngilaq. Oqaluffimulli atatillugu biilnut uninngaartarfiliinissap malitsigisaanik sanaartugassaqalersinnaalluni ingerlatsinik-kullu aningaasartuuteqarfinngorsinnaalluni.

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Qeqqata Kommuniani pilersaarusiornikkut piviusorsiornerillu imminnut ataqatigiissinniarnarat qulakkeerniarneqarmat, kommunimi pilersaarusiarnat takussutissinniarnarpoq. Pilersaarusiarnat nalilersuiffigeqqinnissaa pisariaqartutut naliliiffigineqarluni, tassa immikkoortumi pilersaarusiaq C1 1990'imeermat.

Allaffeqarfiup innersuussutaa

Allaffeqarfiup kommunimi pilersaarusiarnat tapiliussassatut siunnersuut nr. 2 sapaatip akunnerini arfineq-pingasuni tamanut saqqummiunneqassasoq, borgmesterimut aalajangiiffigeqqullugu innersuusutigissavaa.

Borgmesterip suliamik suliaqarnera

Borgmesteri Aningaasaqarnermut ataatsimiititaliaq sinnerlugu februaarip 14-ani 2013-imi aalajangiivoq, kommunalbestyrelsimut akuereqqullugu innersuusutigineqassasoq

Kommunimi pilersaarusiarnat tapiliussassatut siunnersuut nr. 2 sapaatip akunnerini arfineq-pingasuni tamanut saqqummiunneqassasoq

**Innersuussut**

Kommunalbestyrelsimut akuereqqullugu innersuusutigineqarpoq

Kommunimi pilersaarusiarnat tapiliussassatut siunnersuut nr. 2 sapaatip akunnerini arfineq-pingasuni tamanut saqqummiunneqassasoq

**Aalajangiineq**

Innersuusutigineqartoq akuersissutigineqarpoq.

**Ilanngussaq**

1. Kommunimi pilersaarusiarnat tapiliussassaq nr. 2 – Sisimiuni illoqarfitoqaaq.

**Imm. 07 Kommunimi pilersaarummut tapiliussassatut siunnersuut nr. 3**

*Journalnr. 16.03.01*

Tunuliaqutaq

Qeqqata Kommuniani kommunip 2012-imiit 2024 tikillugu pilersaarusiordfigineqarneranik inaarutaasumik akuersinerminut ilanngullugu kommunalbestyrelsi aalajangiivoq, Sisimiuni vandrehjemmimi ineriartortitsisinnaanissaq periarfissiuunniarlugu kommunimi pilersaarummut nutaamik tapiliussassaliortoqassasoq.

Maleruagassatigut tunngavissaq

Pilersaarusiordneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.

Pissutsit atuuttut

Kommunimi pilersaarusiord immikkoortortami 10A-mi pilersaarut taarsissavaa, tamatumuunalu vandrehjemme-p allilernissaa periarfississallugu, ilaatigut ilasinikkut, ilaatigullu illuaqqanik attartortittagassanik pilersitsinikkut. Tamatuma saniatigut Kapornip Aqquserngani quleriinnik marlunnik inissialiorsinnaanissaq ammaanegaassalluni, isikkivimmilu café pisiniarfilluunniit inissaqalissalluni.

Immikkoortoq sumiiffik immikkoortortami pilersaarummut sanilliullugu allangortitaavoq, taamalu Nikkorsuit kujataatungaanni nunataq kisimi kommunimi pilersaarummiilluni pineqarluni. Najugaqarfissiorfissiarlu pioreersoq ilaatinneqaangitsoq, kommunimi pilersaarummut tapiliussa 2-mut ilanngunneqarluni.

Aningaasaqarnikkut allaffissornikkullu kingunerisinnaasai

Kommunimi pilersaarut una aningaasaqarnikkut allaffissornikkullu allannguuteqartitsisussaangilaq.

Atuilluartaunissakkut kingunerisinnaasai

Kommunimi pilersaarutikkut atuilluartaunissaq siunertarlugu nutaamik sanaartorfissaqalissamik killiliussisoqassaaq, nutaaliillu tamarmik attaveqaatinut ataniligaanissaat qulakkeerneqassalluni.

Najugaqarfiliassat atuilluartaunissaq siunertarlugu sanaartugaassapput, tassa sanaartugaareersut ineriartortitsinerup kinguneranik iluarsartuunneqalerpata piginnittuminnillu pitsangorsarnerqarpata.

Qullersaqarfiup oqaaseqaataa

Immikkut oqaaseqaatitassaqaangilaq.

Allaffeqarfiup naliliinera

Allaffeqarfik naliliivoq, inuutissarsiuteqarfiit pioreersut nutaanik periarfissinnissaat qulakkeerneqassasoq, sumiiffiup pingaarnertut najugaqarfissatut immikkoortitaasimanera ataqqillugu.

Allaffeqarfiup innersuussutaa

Kommunimi pilersaarummut tapiliussassaq aningaasaqarnermut ataatsimiititaliamit kommunalbestyrelsimillu akuerineqassasoq allaffeqarfiup innersuussutigissavaa, sapaatillu akunnerini arfineq-pingasuni tamanut tusarniutaassasoq.

Aningaasaqarnermut ataatsimiititaliap suliamik suliarinninnera

Aningaasaqarnermut ataatsimiititaliap februaarip 12-ani 2013-imi ataatsimiinnermini allaffeqarfiup innersuussutaa akuersissutigivaa.

**Innersuussut**

Aningaasaqarnermut ataatsimiititaliap innersuussutigissavaa, Kommunimi pilersaarummut tapiliussassaq kommunalbestyrelsimit akuerineqassasoq, sapaatillu akunnerini arfineq-pingasuni tamanut tusarniutaassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussat**

1. Kommunimi pilersaarummut tapiliussassatut siunnersuut nr. 3

**Imm. 08 Ilinniarnermik unitsitsiinnartarnerit pinaveersaartinniarneri pillugit Qeqqata  
Kommuniani siunissami ineriartortitsinissamut suliniutinik paasissutissiineq**

*Journalnr: 51.00*

Tunuliaqutaq

Suliat akimorlugit ineriartortitsinermut suliniutit Qeqqata Kommuniani suliniuteqarneq aallaaveqarpoq, meeqqat atuarfiini naammassereernerup kingorna ilinniarnermik unitsitsisarnerit pinaveersaarneqarnissaat pingaarnertut anguniagaalluni. Ukioq 2011/2012 atuarfiusumi suliniut aallartinneqarpoq, tassani illoqarfinni atuarfinni 10. klassimi atuartut sammineqarlutik.

Ukioq 2012/2013-imi atuarfiusumi suliniut illoqarfinni nunaqarfinnilu 8., 9. aamma 10 klassinnut (angajullit) annertusineqarpoq.

Maleruagassatigut tunngavissat

Atuarfik pillugu Inatsisartut peqqussutaat nr. 8, 21. maj 2002-meersoq, Kapiteli 2, imm. 2 aamma 3, Atuarfiup siunertaa tunngavialu:

*Imm. 2.* Atuarfiup ilikkartitsiniarnermini avatangiisit peqqinnartut toqqissisimanartullu neqeroorutigissavai, taamaasiornermigullu atuartup namminersortumik eqqarsarsinnaanera, akuersaaginnarani nammineq isummersinnaassuseqarnerminik piginnaassusai, isummaminik, nammineq isiginnittaatsiminik misigissutsiminillu oqaatiginnissinnaassuseqarnera kiisalu anguniakkaminik angusiniarsinnaassutsimigut, allanngortitseriarsinnaassutsimigut, tunniussimassutsimigut pilersitseriarsinnaassutsimigullu piginnaasai siuarsassallugit.

*Imm. 3.* Atuarfiup atuartitsinermi atuartoq piginnaasassanik, suleriaatsinik atuagarsornikkullu piginnaasassanik iluaqutaasussanik pissarsinissamut periarfississavaa, taakkununga ilaatinneqassapput atuartup piginnaasaminik ineriartortitsinissanaanissaa, ilinniagaqarnissamut inuutissarsiutitaarnissamullu piareersarneq kiisalu tamatigoortumik saqqummiusseriarsinnaaneq oqaatsinillu piginnaasat tamatigoortut.

Pissutsit atuuttut

Meeqqat atuarfiani naammassinerup kingorna ilinniarnermik taamaatitsisarneq annertoq ajornartorsiutaasoq erseqqissitinniarlugu, ilinniarnissamik unitsitsisarnernut suut peqqutaanersut misissuiffiqineqarput, misissuinerullu suliniuteqaaqqinnissamut tunngaviliisuussallutik. Sammineqartut tassaallutik:

- Ilinniarnermik unitsitsisarnermut kisitsisinik aammalu tullinnguuttunut suliat akimorlugit ineriartortitsinermik suliniut pillugu saqqummiineq: kommunalbestyrelsip ilinniartitaanermut, kulturimut sunngiffimmullu ataatsimiititaliaa, atuarfinni siulersuisut, atuarfini pisortat atuarfimmilu perorsaanikkut sulisut.
- Illoqarfinni nunaqarfinnilu atuarfinni atuartut angajullerni atuartunik, angajoqqaanik, ilinniartitsisunillu ataatsimeeqatigiinneq, ataatsimiinnermi Qeqqata Kommuniani ilinniarnermik unitsitsisarneq pillugu kisitsisit paasissutissiissutigineqassallutik, taassumalu kingorna atuartut atuarnerannut sunniuteqartunik oqallissaarutinik saqqummiisoqassalluni, ilaatigut perorsaariaatsit aalajangersimasunillu sinaakkusiineq. Kinguneranik ataatsimiinnermi peqataasunit isumanik paarlaateqatigiinneq ammasumillu oqallinneq.

- Atuarfinni angajoqqaanik tamanik (Sisimiuni 190-it miss.) ataasiakkaaraluni misissuinermik oqaloqatiginninneq, atuartut atuarnermi suut pitsaasumik pitsaanngitsumillu sunniuteqartarnersut paasinissaat siunertaalluni: atuartut atuarnernut aalajangersimasunik sinaakkuteqarneq angajoqqaanillu qanittumik attaveqarneq pitsaasumik sunniuteqarnera erserpoq, illuatungaagullu “angerlarfissatut”, innartarfissatut isumaqatigiissutinillu eqquinissamut aalajangersimasunik sinaakkuteqanngitsunut atuartunut atuarnernut pitsaanngitsumik sunniuteqartuullutik.
- Atuartut aalajangersimasumik angerlartarfillit aamma atuarfimmi assingusunik isumaqatigiissutinik eqqutitsisarnissaminnik ajornartorsiunnginnerusut malunnarpoq, soorlu atuariartornissami, aalaakkaanermi ilinniagassanillu suliaqarnermi, tamakkuuppullu atuartut pitsaasunik angusaqartarnissaannut sunniuteqartut, angajoqqaajusullu ilinniagaqarnersut aammalu inooqataanermut aningaasaqarnermullu tunuliaqutit apeqqutaanatik.
- Atuartitsinermut aammalu atuarfiup angerlarsimaffiillu suleqatigiinnerinut atatillugu, atuarfiit pisortaanik perorsaanikkullu sulisunit (Sisimiuni 25-t miss.) ataasiakkaaraluni oqaloqatiginninnerit.
- Atuartunut amerlagisassaasunut atuariartortarnerit aalaakkaanngitsorujussuuppup, tamanna aaqqiiviginiarlugu sms-inik nassiussisarnermik aaqqiissuteqarneq suliniutigineqarpoq, atuartup atuannitsoornerani angajoqqaat ingerlaannartumik nalunaarfigineqartalissallutik, qaammammut allakkatigut nalunaarutit ingerlanneqarunnaarlutik. Siullermik aaqqiissut nalunnguarfiup Atuarfiani misiliutaasumik ingerlanneqassaaq.
- Meeqqat atuarfiisa ilinniarfiillu/inuutissarsiorfiillu attaveqatigiinnissaat, atuartut ilinnialeqqinnerminni piumasagaataasunik naatsorsuutinillu naammassinnissinnaanissaanik qulakkeerinissaq anguniagaalluni.
- Meeqqat atuarfiisa, angerlarsimaffiit ilaqutariinnermullu immikkoortortaqarfiup akunnerminni suliat akimoorlugit suleqatigiinnissaq sammineqarluni, ilaqutariinnut isariaqartitsisunut sapinngisamik pitsaanerpaamik tapersersuinissaq anguniagaalluni.
- Ineriartortitsinermut suliniutinik aammalu angajoqqaanut soqutiginnittunut pikkorissarnissamik, neqeroorteqarnernik aallartitsinissamut suliniuteqartoqarpoq, taamaalillutik angajoqqaat meeqqaminnik pitsaanerpaamik tapersersuinissaminnik tapersersorneqassallutik.

**2011-imi taamatullu 2012-imi septembarip qeqqata missaanit ilinniarnermik ingerlatitsinnigitsut, atuarfinnut agguataarneri**

Normu	Ateq	2011-mi amerlassutsit	2012-imi septembarimi killiffik	Pct.
707	Atuarfik Kilaaseeraq	16	16	0 %
711	Kangaamiut atuarfiat	5	5	0 %
801	Minngortuunnguup Atuarfia	20	18	10 %
802	Nalunnguarfiup Atuarfia	24	19	21 %
806	Qinguata Atuarfia	3	2	33 %



**2011-imi taamatullu 2012-imi septembarip qeqqata missaanit ilinniarnermik  
ingerlatitsinngitsut, kommuninut agguataarneri**

	2011-mi ilinniarnermik ingerlatitsinngitsut	2012-imi septembarimi killiffik	Procentinngorlugit allannguutit
Kommune Kujalleq	54	40	26 %
Kommuneqarfik Sermersooq	146	116	21 %
Qeqqata Kommunua	68	60	12 %
Qaasuitsup Kommunua	134	117	13 %
<b>Katillugit</b>	<b>402</b>	<b>333</b>	<b>17 %</b>

Aningaasaqarnermut allaffissornikkullu kingunerisinnaasai  
Aningaasaqarnikkut kingunissaqanngilaq.

Allaffeqarfiup naliliinera

Meeqqat atuarfii atuartut ilinniarnissaannut sinaakkutinik nukittorsaanissaannut suliniut annertuumik pingaaruteqartoq allaffeqarfimmit naliliisoqarpoq. Qeqqata Kommuniani meeqqat atuarfeqarfinnik ineriartortitsinissatsinnut sakkussanik nutaanik suliniut pilersitsisuussaaq, tassalu meeqqat atuarfii peqqussutip anguniagaanut naammassinnissinnaalissallutik.

Taamaattumik allaffeqarfiup neriutiga, 2013-imi januaarimi atuarfimi siunnersortinik pingasunik atorfinitsitsinermi, atuartut atuarinneqarnerminni toqqissisimanartunik pitsaasunillu sinaakkutissiinissamut suliat akimorlugit suleqatigiinnermik pilersitsisoqassasoq, tassa suliniummi anguniakkani sinaakkutinik pisariaqartinneqartunik pilersitsisoqassasoq.

Allaffeqarfiup innersuussutaa

Paasissutissiissut akuerisassanngorlugu ataatsimiititaliamut innersuussutigineqarpoq, Qeqqata Kommunianilu ilinniakkanik unitsitsisarnermut pinaveersaartitsinermut sulianik ataavartumik ataatsimiititaliaq paasissutissiivigineqartarnissaa innersuussutigineqarluni. Imm. Kommunalbestyrelsemut ingerlateqqinneqassaaq.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliaq decembarip 3-ani 2012-imi ataatsimiinnermini suliaq suliarivaa.

Sukannarnerusumik piумаqaatillu atuartunut ersarinnerusariaqarput.

Atuarfinni pisortat, Ilinniartitaanermik ataatsimiititaliaq kommunalbestyrelsilu sinnerlugu, atuarfiup piumasqaataanut nakkutiginninnerat annertunerusariaqarpoq. Atuarfiup pitsaasumik suleriuseqarnissaa qulakkeerneqartariaqarmat.

Imm. Kommunalbestyrelsimut ingerlateqqinneqassaaq.



**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Kommunalbestyrelsip apriliip 25-ani 2013-imi ataatsimiinnissaanut suliniutip killiffianik nalunaarusiortoqarnissaa kommunalbestyrelsimit kissaatigineqarpoq.

Paasissutissatut tiguneqarpoq.

**Ilanngussaq**

1. Sisimiuni ilinniakkanik unitsitsisarnermut atatillugu ineriartortitsinermik suliniuteqarnermik naliliineq





**Imm. 09 2013-mi Kangerlussuup avannaani ukiuunerani umimmaat pisassiissutit  
agguaanneqarnerat piniarneqarnerallu pillugit paasissutissiissut**

*Journalnr.*

Tunuliaqutaq

Aalisarnermut, Piniarnermut Nunalerinermullu Naalakkerisoqarfiup 2013-mi umimmaat  
pisassiissutit agguanneqarnerat pillugu nalunaarutaat 27. december 2012-meersoq.

Qeqqata Kommuniani Kangerlussuup avannaani ukiuunerani umimmanniarnissamut umimmaat  
390-it pisassiissutigineqarput.

Maleruagassatigut tunngavissaq

Namminersornerullutik Oqartussat umimmaat piniagaanerit pillugu nalunaarutaat nr. 7, 8. februar  
2001-imeersoq, kiisalu Kangerlussuup eqqaata aqqiissuunneqarnerani aalajangersaaneq.

Pissutsit atuuttut

Sisimiuni Aalisartut Piniartullu Peqatigiiffiat (SAPP), Sisimiuni Angallateerarsorlutik Aalisartut  
Piniartullu Peqatigiiffiat (SAAPP) aammalu Sarfannguani Itillimilu aalisartut piniartullu  
peqatigiiffii kiisalu Sisimiuni Saniatigooralugu Piniartartut Peqatigiiffiat tusarniaavigineqarput.  
Tusarniaavigineqartunit tamanit akissutigineqarpoq inuutissarsiutigalugu aammalu sunngiffimmi  
piniarnermut allagartalinnut 75/25 %-imik avittsisarneq ajorineqanngitsoq.  
Matumani pineqarput umimmaat 390-it Kangerlussuup avannaani umimmaqarfimmi pisassiissutit.

Aningaasaqarnikkut allaffissornikkullu kingunerisinnaasai

Ilanngussaqaqngilaq.

Allaffeqarfiup naliliinera

Allaffeqarfiup pisassiissutit avittarnerinut allannguutissamik attuumassuteqartuniit siunnersuute-  
qartoqaqngimmat, pisassiissutit 75/25%-mik avinneqaqqinnissaat siunnersuutigaa.

Allaffeqarfiu innersuussutaa

Innersuussutigineqarpoq ukiuunerani umimmanniarnissamut pisassiissutit umimmaat 390-it  
inuutissarsiutigalugu aammalu sunngiffimmi allagartalinnut 75/25 %-imik avinneqaqassasut,  
kisitsisinngorlugu 293/97-nik amerlassuseqartut.

Borgmesterip suliamik suliaqarnera

Kommunalbestyrelsi sinnerlugu innersuussutigineqartoq januaarip 10-ani 2013-imi borgmesterimit  
akuersissutigineqarpoq.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

Ilanngussaqaqngilaq

**Imm. 10 Ukiumi pisassiiffiusumi 2013-imi qilalukkanik qaqortanik qernertanillu  
pisassiissutit agguaanissaat pillugu paasissutissiissut**

*Journalnr. 72.01.01*

Tunuliaqutaq

Aalisarnermut, Piniarnermut Nunalerinermullu Naalackersuisoqarfiup Tusagassiorfinnut nalunaarutaani 27.12.2012-meersumi nalunaarutigineqarpoq aqutsiveqarfnnut Sisimiut-nut aamma Maniitsoq-mut 2013-imi qilalukkanik qaqortanik qernertanillu imatut pisassiisoqartoq:

<b>Aqutsiveqarfik</b>	<b>Sisimiut</b>	<b>Maniitsoq</b>
Qaqortat	30	12
Qernertat	2	2

Tusagassiuutitigut nalunaarummi ilanngullugu nalunaarutigineqarpoq pisassat sinneruttut 2012-meersut 2013-imut nuunneqarsinnaasut. Aalisarnermut, Piniarnermut Nunalerinermullu Naalackersuisoqarfimmit pisassiissutit sinneruttut amerlassusaat kommuninut attuumassuteqartunut 1. februar 2013-imi ilisimatitsissutigineqassapput, tamatuma kingorna kommunalbestyrelsi pisassiissutinit sinneruttunik agguaassillunilu tunniussisinnalissaaq

Tamanna tunngavigalugu natsorsuutigisinnaavarput 2013-mut pisassiissutaasut qulaani nalunaarutigineqartut qaavatigut ilaneqarnissaat 1. februar 2013-imi , siorna 2012-imi pisarineqanngitsoortut kommuninut agguaallugit pisassiissutigeqqinneqarnerini.

Pisassiissutit matumuuna agguanneqassapput.

Maleruagassatigut tunngavissat

Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7. 29. marts 2011-meersumi:

§§ 9-13-imi piniarsinnaatitaasut, akuersissutinik tunniussineq agguaassinerlu aalajangersaaffigineqarput.

§ 11 Kommunalbestyrelsi nunaqarfinni ataasiakkaani aqutsisut, najukkanilu aalisartut piniartullu peqatigiiffii isumasioqatigereerlugit kommunip aamma aqutsiveqarfiit qilalukkanik qaqortanik qernertanillu pisassiissutaannik inuussutissarsiutigalugu piniartunut aamma sunngiffimmi piniartartunut agguaassinissaq pillugu piumasaqaatinik, aalajangersaasinnaavoq.

*Imm. 2.* Sunngiffimmi piniartartut aqutsiviup qilalukkanik qaqortanik qernertanillu pisassiissutaasa 0-10 % -iisa akornanni amerlassuseqartunik pisassinneqarsinnaapput.

§12. *Imm. 2.* Ataatsimoorluni piniarneq paasineqassaaq, piniartunit ataatsimoortunit ukunanga inunnit inuussutissarsiutigalugu piniarnermut allagartalinnit, imaluunniit inunnit sunngiffimmi piniarsinnaanermut allagartalinnit imaluunniit piniarsinnaatitaasunit taakkunannga marlunnit peqataaffigineqartumik aamma ataatsimoorluni piniarnissamut akuersissummik tunineqarsimasunit piniarneq ingerlanneqartoq.

*Imm. 3.* Kommunalbestyrelsi pisassiissutigineqartunik peqqissaartumik nakkutilliissaaq. Pisassiissutigineqartunik atuineq malittareqqissaarneqassaaq piniarnerlu ingerlaannartumik unitsinneqassalluni, kommunimut pisassiissutit imaluunniit aqutsivimmut pisassiissutit tamakkerneqarpata.



Ataatsimoorluni piniarnissaq pillugu § 12-imi aalajangersakkat tunngavigalugit akuersissummik piginneqataasut inuit arlaqarsinnaapput taamatullu ataatsimoorluni piniaraqatigiittoqassappat siuttoqassapput.

#### Pissutsit atuuttut

Qilalukkanik qaqortanik qernertanillu aqutsiveqarfinnut Sisimiut-nut Maniitsoq-mullu pisassiissutit ukiortaamiit atuutilersut kommunemit agguanneqarnissaat kommunalbestyrelsip tullissaanik ataatsimiinnissaani 28. februar-imi pisussami aalajangiiffiigineqarnissaat utaqqissunneqassappat piffisami kommunalbestyrelsip ataatsimiinnissaata tungaanut qilalugarniartoqarsinnaassanngilaq.

Piniartut kissaatigivaat piaartumik akuersissummik tunineqarnissartik.

Kommunimi ukiuni kingullerni misilittakkagut malillugit qilalukkat pisaasartut pisassiissunit ikinnerusarput, soorlu 2012-imi qaqortat aqutsiveqarfik Sisimiut-nut pisassiissutit katillugit 46-uupput marluinnaallu pisarineqarput. Qernertat sisamat pisassiissutaapput pisaqartoqanngilarli. Ukioq 2012-mi pisassiissutinut ilaapput 2011-mi pisarineqanngitsuukkat 2012-imut nuunneqartut. 2012-imi aqutsiveqarfik Maniitsoq-mut qaqortat katillugit 18-t pisassiissutaapput marluinnaalli pisarineqarput. Qernertamik ataatsimik pisaqartoqarpoq sisamat pisassiissutaasut.

Allaffeqarfiup saaffiginnissutaanut Aalisarnermut, Piniarnermut Nunalerinermullu Naalackersuisoqarfiup akissutigisaani 26.10.2012-meersumi takuneqarsinnaavoq periarfissaasoq piniartut ataasiakkat tamaasa akuersissummik tunineqarsinnaanerat pisassat nungunnissaata tungaanut atorneqarsinnaasumik (olympisk princip), naak tamanna periuseq naalackersuisoqarfimmit ornigineqarपालaanngikkaluartoq pisassiissutit sinnerneqarsinnaanerat naalackersuisoqarfimmit ernummagitigineqarsinnaasutut nalilerneqarmat.

Qernertanik aqutsiveqarfinnut pisassiissutit marluinnaammata sunngiffimmi piniartartut qernertanik pisassinneqarsinnaanngillat Nalunaarummi (bekendtgørelse) § 11, imm. 2-mi annerpaamik 10 procentimik sunngiffimmi piniartartunut pisassiisnaanermik aalajangersagaq tunngavigalugu.

Kommunip agguassinissaanut atatillugu tusarniaanermi tusarniaaffigineqartut ukua akissuteqarput: -SAAPP-ip saaffiginnikkut nalunaarutigivaa sunngiffimmi pinialuttartut tallimanilluunniit pisassinneqarsinnaasut.

-Itillimi Knapp-p oqarasuaatikkut nalunarutigivaat Sisimiuni peqatigiiffiit isummernerat tapersersorniarlugu aamma Itillimi sunngiffimmi piniarnermut allagartalinnt qilalugarniartoqarneq ajortoq oqaatigalugu.

-Sarfanguani aalisartut piniartullu peqatigiiffiat isumaqarpoq pisassiissutit tamakkiisumik inuutisarsutigalugu piniarnermut allagartaliinnarnut pisassiissutigineqassasut, taamaasilluni aalisartut piniartullu qilalukkat pisassiissutit tapertarisinnaasariaqarmatigit

-Sisimiuni sunngiffimmi piniartartut peqatigiiffiat allapput soorunami soqutigalugu sunngiffimmi piniartut qilalukkanik sapinngisamik amerlanerpaanik pisassinneqarnisaat, ilangullugu amma piniartaasitoqqap allanngortinnagu atorneqarnissaa piumasarivaat. Pisassammi killilerneqareerput piniarnermi aamma killilersoqqineqassangillat, allakkaminni taamatut oqaaseqaateqarput.

-Maniitsumi umiatsiaararsorlutik aalisartut piniartullu peqatigiiffiat isumaqataavoq Maniitsumut pisassiissutinut qaqorta qataaseq sunngiffimmi pinialuttartunut pisassissutigineqarpat.

-Kangaamiuni nunaqarfimmi aqutsisut oqaaseqaatiminni allapput saniatigooralugu pinaluttartut tamakkiinerusumik pisassinneqarnissaat ujartorneqartoq.

-Nunaqarfimmi aqutsisut Atammik / Napasoq oqaaseqaatiminni allapput piaartumik agguassinis-saq piniartut kissaatigisaat taperserlugu aamma sunngiffimmi pinaluttartut pisassinneqartarnerat taperserlugu.

-Maniitsumi saniatigooraluu pinaluttartut peqatigiiffiata isumaqatigivaa ataatsimik pisassinneqarunik, naatsorsuutigivaallu februarimi agguasseqqittoqarpat qaavatigut pisasasseqqinneqarnissartik.

#### Qullersaqarfiup oqaaseqaatai

Soqanngilaq

#### Allaffeqarfiup naliliinera

Ukiut siuliini qaqortanik qernertanillu pisassiissutaasartut pisarineqanngitsullu amerlassusaat tunngavigalugit Allaffeqarfiup nalilerpaa agguassigallarneq aalajangiiffigineqartariaqartoq taannalu aalajangiineq kommunalbestyrelsip 2013-imi siullermeertumik ataatsimiinissaata tungaanut atuutissasoq.

Allaffeqarfiup nalilerpaa inuussutissarsiutigalugu piniartut qinnuteqartut tamaasa akuersissummik tunineqarnissaat periarfissaasoq allaffeqarfiup nalilermagu pisassat sinnerneqarsinnaanerata, pingaartumik qaqortat eqqarsaatigalugit, ernumanangitsoq ukiuni kingullerni ikittuaraannaat pisarineqartarmata.

Allaffeqarfiup nalilerpaa periarfissat ukua atorneqarsinnaasut:

#### **Aqutsiveqarfik Sisimiut:**

Aqutsiveqarfik Sisimiut-nut qaqortanik pisassiissutinit 30-iusunit 27-it inuussutissarsiutigalugu piniartunut pisassiissutigineqassasut. Pisassat nungunnissaata tungaanut piniarneqarsinnaasunik. Inuussutissarsiutigalugu piniartut qinnuteqartut tamarmik akuersissummik tunineqarsinnaassapput.

Qaqortanik pisassiissutinit 3-t sunngiffimmi piniartartunut pisassiissutigineqassasut. Pinaqatigiit siuttoqartussat ikinnerpaamillu marlunnik inuttaqartut akuersissummik qaqortamik ataatsimik pisaqarsinnaanermut atuuttumik tunineqarsinnaassapput.

#### **Aqutsiveqarfik Maniitsoq:**

Aqutsiveqarfik Maniitsoq-mut qaqortanik pisassiissutinit 12-iusunit 11-it inuussutissarsiutigalugu piniartunut pisassiissutigineqassasut. Pisassat nungunnissaata tungaanut piniarneqarsinnaasunik. Inuussutissarsiutigalugu piniartut qinnuteqartut tamarmik akuersissummik tunineqarsinnaassapput

Qaqortanik pisassiissutinit ataaseq sunngiffimmi piniartartunut pisassiissutigineqassasoq. Pinaqatigiit siuttoqartussat ikinnerpaamillu marlunnik inuttaqartut akuersissummik qaqortamik ataatsimik pisaqarsinnaanermut atuuttumik tunineqarsinnaassapput.

Pisassap sinnerneqannginissaa pillugu innersuussutigineqarpoq qinnuteqarsinnaanerup pisortatigoortumik nalunaarutigineqarneraniit sapaatip akunnera ataaseq qinnuteqatitsineq ingerlanneqassasoq tamatumalu kingorna qinnuteqartut pinaqatigiit pingasunit amerlanerussappata makitsisoqassasoq qinnuteqartullu akornanni makitaasut pinaqatigiit pingasut qaqortamik pisaqarsinnaanermut akuersissummik tunineqassasut.

Pisassaq pisarineqarpat piniarneq unitsinneqassaaq.

Pisassiissutigineqartunik atuineq nalunnaarut malittareqqissaarneqassaaq piniarnerlu ingerlaannartumik unitsinneqassalluni aqutsivimmumut pisassiissutit tamakkerneqarpata.

#### Allaffeqarfiup innersuussutaa

Borgmesterimut akuereqqullugit innersuussutigineqarput:

1) Aqutsiveqarfik Sisimiut:

Aqutsiveqarfik Sisimiut-nut qaortanik pisassiissutinit 30-iusunit 27-it inuussutissarsiutigalugu piniartunut pisassiissutigineqassasut. Pisassat nungunnissaata tungaanut piniarneqarsinnaasunik.

a) Inuussutissarsiutigalgu piniartut qinnuteqartut tamarmik akuersissummik tunineqarsinnaassapput.

b) Qaortanik pisassiissutinit 3-t sunngiffimmi pinaluttartunut pisassiissutigineqassasut. Allaffeqarfiullu aqutsiveqarfik Sisimiunut naliliineratut akuersissut tunniunneqassasoq.

2) Aqutsiveqarfik Maniitsoq:

Aqutsiveqarfik Maniitsoq-mut qaortanik pisassiissutinit 12-iusunit 11-it inuussutissarsiutigalugu piniartunut pisassiissutigineqassasut. Pisassat nungunnissaata tungaanut piniarneqarsinnaasunik.

c) Inuussutissarsiutigalgu piniartut qinnuteqartut tamarmik akuersissummik tunineqarsinnaassapput

d) Qaortanik pisassiissutinit ataaseq sunngiffimmi pinaluttartunut pisassiissutigineqassasoq. Allaffeqarfiullu aqutsiveqarfik Maniitsumut naliliineratut akuersissut tunniunneqassasoq.

#### Borgmesterip suliamik suliaqarnera

Kommunalbestyrelsi sinnerlugu januaarip 11-ani 2013-imi borgmesteri aalajangiivoq, innersussutigineqartut tamarmik akuersissutigineqartut.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq.

#### **Innersuussut**

Suliaq kommunalbestyrelsimut paasissutissatut saqqummiunneqarpoq.

#### **Aalajangiineq**

Paasissutissatut tiguneqarpoq.

#### **Ilanngussat**

1. 2013-imut pisassiissutit pillugit Naalakkersuisoqarfimmiit tusagassiutinut nalunaarut 27.12.2012-meersoq.
1. Qilalukkanik qaortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7, 29. marts 2011-meersoq,
2. Sarfannguani aalisartut piniartullu peqatigiiffiata oqaaseqaataa pillugu allagaq 7.1.2013-meersoq.
3. Sisimiuni sunngiffimmi piniartut peqatigiiffiata oqaaseqaataa 7.1.2013-meersoq.
4. Kangaamiuni nunaqarfimmi aqutsisut oqaaseqaataat 7.1.2013-meersoq.
5. Atammik / Napasoq nunaqarfimmi aqutsisut oqaaseqaataat 7.1.2013-meersoq.
6. Maniitsumi sianiatigooralugu pinaluttartut peqatigiiffiata oqaaseqaataa 8.1.2012-meersoq.



**Imm. 11 Nunaqarfinni ataqatigiissaarisup suliassaasa inissisimaneratalu allanngortinnera  
pillugu paasisutissiissut**

*Journalnr. 03.00.07*

Tunuliaqutaq

Kommunit kattunnerisa kingorna nunaqarfinni, kommunimi nunaqarfinnik arfiniliusunik sullissin-  
ikkut ataqatigiissaarisussatut atorfik nutaaq pilersinneqarpoq. Atorfik Maniitsumi inissinikuuvoq,  
kommunimi pisortaanermut suleqataasutut pisortaanermullu akisussaaffeqarluni.

Nunaqarfinni ataqatigiissaarisup kingulliup allamik 2012-imi septembarimi atorfininnermigut  
atorfeqarunnaarnerata kingorna, atorfik inuttaqarnikuunnigilaq. Atorfik inuttassarsiorlugu aallagar-  
siunneqarnikuuvoq, atorfinitsitisoqangajaleraluarterlu qinnuteqartup qinnuteqaatini utertippaa.

Maleruagassatigut tunngavissaq

Kommunalbestyrelsip ukiup tullissaanut missingersuutissat akuersissutigigamigit atorfiit matumani  
ilanngussatut ilaasut ilanngullugit akuersissutigivai.

Inatsisartullu kommunit aquneqarnerat pillugu inatsisaat nr. 22, 18. november 2010-meersumi  
anigaasaqarnermut ataatsimiititaliap suliassai pillugit § 25, imm. 1, nr. 2-mi ima allassimasoq:  
”Akissarsianut sulisoqarnermullu tungasuni suliassanik tamakkiisumik isumaginninneq, ...”

Pissutsit atuuttut

Nunaqarfinni ataqatigiissaarisussatut atorfimmud qinnuteqartut 2012-imi oktobarimi atorfinitsitini-  
sami ataatsimiititaliap misissoreerlugit, tassa qinnuteqartuugaluup qinnuteqaatiminik tunuartitsiffia-  
ni, atorfimmullu allagarsiussinermi soqutiginnittartut annikittarmata, qullersaqarfik allatut isumali-  
uuteqalerpoq siunnersuutiginiarlugulu, nunaqarfinni ataqatigiissaarisuuneq pisortaanermut suleqa-  
taasutut inissisimanagera, allaffissornikkut pisortatut nunaqarfiit arlaannut nuunneqassasoq. Taamaa-  
liornerup aamma kingunerissavaa, atorfiup nunaqarfimmud nuunneqarsinnaanera. Qullersaqarfiup  
eqqarsaatersuutigivaa, atorfik allaffimmi pisortamit ingerlaneqassasoq, ullumikkullu suliama sania-  
tigut ataqatigiissaarineq aamma sularissallugu soqutiginnittumit.

Atorfik imatut eqqarsaatersuutaavoq, pisortaaq suliassat pitsaasumik agguataassagai, taamalillunilu  
pineqartoq periarfissillugu, taassuma nunaqarfinni ataqatigiissaarisutut atorfik aamma nakkutigisinnaa-  
lissallugu, ataqatigiissaarisutummi suliassat ilarpassui, ullumikkut nunaqarfinni allaffimmi pisortaa-  
suutit ilisimaarineqareerput, taamaalillunilu atorfinni suliassatigut sungiusaanissaraluaq  
sipaarneqarsinnaalluni.

Atuilluartuunissakkut kingunerisisinnaasai

Nunaqarfinni ataqatigiissaarisutut atorfiup allanngortinnissaa atuilluartuunerussaaq, tassalu sule-  
qataasussaq nunaqarfinni najugaqareersuussamat, taamaalilluni kiffartuussani siunnersuisuuf-  
figisanilu najorlugillusooq.

Anigaasaqarnikkut allaffissornikkullu kingunerisisinnaasai

Nunaqarfinni ataqatigiissaarisutut atorfiup allaffimmilu pisortatut atorfiup ataqatigiisinnissaat ani-  
ngaasaqarnikkut atuilluarterussaaq, taamalu akissarsiat kontusigut sipaarutaasinnaassaaq, peqati-  
gitillugulu, nunaqarfinni ataqatigiissarisunngortussap akissarsiani tapisiaqartinneqarnissaa naatsor-  
suutigineqassalluni. Atorfiup taamatut aaqqinnissaa anigaasaqarnikkut allaffissornikkullu anneru-  
sutigut kinguneqartussaannigilaq.

Qullersaqarfiup oqaaseqaataa

Immikkut oqaaseqaatitassaqanngilaq.



Allaffeqarfiup naliliinera

Nunaqarfinni ataqatigiissaarisussamut aallaavittut pitsaanerpaajussaaq, pineqartoq nunaqarfimmi inissisimaguni, taamalu nunaqarfinni pissutsit sukumiisumik ilisimaarisaaqarfigalugit, sutigullu ilitsersuisuunissamigut, siunnersuisuunissamigut taamatullu suut pingaartinneqassanersut ilisimaarilluarlugit. Taamatut eqqarsaateqarnikkut allaffeqarfik naliliivoq, nunaqarfinni ataqatigiissaarisuunerup inissisimaneratalu taamatut allanngortinnissaa pitsaanerpaassasoq.

Allaffeqarfiup innersuussutaa

Allaffeqarfiup aningaasaqarnermut ataatsimiititaliamut innersuussutigissavaa

- nunaqarfinni ataqatigiissaarisutut atorfik pisortaanermut suleqataasumiit nunaqarfiit arlaanut allaffissornikkut pisortatut inissinneqassasoq

Aningaasaqarnermut ataatsimiititaliap suliamik suliarinninnera

Aningaasaqarnermut ataatsimiititaliap februaarip 12-ani 2013-imi ataatsimiinnermini allaffeqarfiup innersuussutaa akuersissutigivaa.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

1. Nunaqarfinni ataqatigiissaarisutut atorfiup imarisamigut allaaserineqarnera

**Imm. 12 Tamalaat**

Beathe Poulsenip, qarasaasiaqarnermut tunngasunut apeqquteqaataa misissuiffigineqassaaq. Morten Siegstadip, nunaqarfinnut angallannermut tunngasunik apeqquteqaataa misissuiffigineqassaaq.